

„FIRMA“ d.o.o. Široki Brijeg, ul. Kralja Tomislava bb, ID broj: 0000000000000, zastupana po direktoru društva Peri Periću (u daljem tekstu: Dobavljač)

i

„FIRMA 2“ d.d. Sarajevo, ul. Maršala Tita bb, ID broj: 0000000000000, zastupana po direktoru društva Muji Mujiću (u daljem tekstu: Korisnik)

zajedno nazvani ugovorne strane, dana 28.04.2016. godine, zaključuju sljedeći:

UGOVOR O POSLOVNOJ SARADNJI¹

Predmet ugovora

Član 1.

Ugovorne strane su saglasne da je predmet ovog Ugovora opremanje lokala i definisanje prodaje kafe, a u cilju obezbjeđenja povoljnijih uslova za ekonomičnije, racionalnije i efikasnije poslovanje i tržišno djelovanje.

Obaveze Dobavljača

Član 2.

Dobavljač se obavezuje da će u objektu Korisnika koji se nalazi na adresi Maršala Tita bb u Sarajevu:

- dati Korisniku na korištenje kafe aparat tipa XY i zamijeniti ga ukoliko postane neupotrebljiv;
- postaviti tendu sa natpisom proizvoda iz prodajnog asortimana Dobavljača i zamijeniti je ukoliko postane neupotrebljiva;
- postaviti stoličarke sa natpisom proizvoda iz prodajnog asortimana Dobavljača i zamijeniti ih kada se unište; te
- da će uredno, na vrijeme i po tržišnim cijenama snabdijevati robom iz svog prodajnog asortimana.

Obaveze Korisnika

Član 3.

Kupac se obavezuje da će za vrijeme trajanja ugovora:

- u svom objektu isključivo držati i neće skidati tendu sa natpisom proizvoda iz prodajnog aranžmana Dobavljača;
- da će isključivo koristiti stoličarke sa natpisom proizvoda iz prodajnog aranžmana Dobavljača;
- da će u svom objektu obezbjediti ekskluzivnost proizvoda iz asortimana prodajnog aranžmana Dobavljača u odnosu na proizvode ostalih proizvođača.

Korisnik se obavezuje da će sa danom raskida ugovora vratiti svu imovinu (kafe aparat, tende i stoličarke) Dobavljaču.

Tajnost podataka

Član 4.

Ugovorne strane se obavezuju na čuvanje poslovne tajne za sve podatke i dokumentaciju koja će se koristiti za ostvarenje ovog ugovora.

¹ Pošto ovaj ugovor služi isključivo radi edukacije i pružanja informacija, Legalist.ba i autor ne garantuju da je objavljeni ugovor u skladu sa pozitivnim pravom BiH. Stoga Legalist.ba ne odgovara za štetne posljedice koje mogu nastupiti usljed njegovog preuzimanja i korištenja.

Cijena i rok plaćanja

Član 5.

Ugovorne strane su suglasne da će se naplata naručene robe iz prodajnog asortimana vršiti na temelju važećih cjenovnika.

Ugovorne strane su suglasne da se obveze iz prethodnog stavka mogu kompenzirati u visini međusobnih potraživanja, a za nekompenzirani dio obveze utvrđena je isplata preko žiro računa.

Naknada štete

Član 6.

Ukoliko se jedna od ugovornih strana, izuzev okolnosti izazvane "višom silom", ne bude pridržavala odredaba ovog Ugovora odnosno svojim poslovanjem dovodila u pitanje nivo uspješnosti poslovanja druge ugovorne strane, ista je dužna nadoknaditi nanесenu materijalnu i finansijsku štetu.

Raskid ugovora

Član 7.

Ovaj Ugovor se može raskinuti bilo kada uz saglasnost obje ugovorne strane.

Svaka ugovorna strana može jednostrano raskinuti ugovor pismenim putem bez navođenja razloga uz otkazni rok od 90 dana.

Ugovorna strana može jednostrano raskinuti ugovor pismenim putem bez poštivanja otkaznog roka samo ako druga strana učini težu povredu ovog ugovora, kao što su nepoštivanje odredbi ovog ugovora i kršenje dobrih poslovnih običaja.

U slučaju iz stava 3. ovog člana ugovorna strana koja raskida ugovor mora detaljno opisati težu povredu koju čini druga strana.

Vremensko važenje ugovora

Član 8.

Ugovor se sklapa na neodređeno vrijeme i stupa na snagu danom potpisa obje strane.

Rješavanje sporova

Član 9.

Ugovorne strane su saglasne da će sve eventualne sporove po ovom ugovoru rješavati sporazumno, a ukoliko to nije moguće za rješavanje sporova nadležan je Općinski sud u Širokom Brijegu.

Izmjene i dopune ugovora

Član 10.

Izmjene ili dopune ovog Ugovora su važeće samo ako su zaključene u pisanoj formi.

Prijelazne i završne odredbe

Član 11.

Na sve odnose koji nisu regulirani ovim Ugovorom primijeniti će se adekvatno odredbe Zakona o obligacionim odnosima.

Član 12.

Ugovorne strane su pročitale odredbe ovog ugovora, te potpisivanjem ovog ugovora prihvaćaju sva prava i obveze koje proizlaze iz ovog ugovora.

Član 13.

Ovaj ugovor je sačinjen u 2 (dva) istovjetna primerka, po jedan za svaku ugovornu stranu.